

KOMMUNIMUT PILERSAARUMMUT TAPILIUSSAQ 4B5-1, ISULIFFIK, Qinngutsinni inuussutissarsiteqarfik, NUUK

Aprili 2015



KOMMUNEQARFIK **SERMERSOOQ**
Sanarfinermut Avatangiisinullu Ingerlatsivik
Forvaltning for Anlæg og Miljø

Kommunimut pilersaarummut tapiliussaq sunaava?

Kommunimut pilersaarummut tapiliussaq tassaavoq ingerlaavartumik suliarineqartartoq, taamaattumik kommunalbestyrelse Pilersaarusiørnermut inatsit naapertorlugu (Pilersaarusiørneq aamma nunaminertat atorineqartarnerat pillugit Inatsi-sartut inatsisissaat nr. 17, 17. november 2010-imeersoq) pisussaavoq, kommunimut pilersaarut pisariaqartutigit malinnaatinneqartassaaq. Taamatut malinnaatitsisarnermi pilersaarummut tapiliussamut attuumassutilimmik pilersaarummi allannguuteqartoqartillugu imaluunniit ilanngussisoqartoqartillugu ingerlaavartumik isumagineqartarpoq.

Kommunalbestyrelse kommunimut pilersaarummut tapiliussamik nunaminertamik atuinnissamut sanaartukkanullu tunngasunik aalajangersagartallimmik taamaalilluni sukkulluunniit suliaqarsinnaatitaavoq. Taamaattorli taakku saniatigit Kommunalbestyrelse pisussaalluni, sukumiisumik aalajangersagartallimmik kommunimut pilersaarummut tapiliussaliussalluni:

- Nuna tamakkerlugu pilersaarusiørnerup kommunillu pilersaarusiørnerata piviusunngortinnissaanut qulakkeerinninnissaq pisariaqaraangat.
- Sanaartugassanik imaluunniit sulianut annerusunut pingaaruteqartunulluunniit nunaminertamik atugassiinnginnermi.
- Sanaartukkanik anginerusunik pingaaruteqarnerusunilluunniit ingutserilinnginnermi.

Kommunimut pilersaarummut tapiliussaq marlunnik immikkoortortaqarpoq, **nassuiaat** aamma **maleruaqqusanut tunngasut**.

- **Nassuiaammi** kommunimut pilersaarummut tapiliussap siunertaa anguniagaalu, pissutsit immikkoortup iluani eqqaanilu pioreersut nassuiarneqarput.
- **Malittarisassartaani** pilersaarutip piviusunngortinnissaanut atatillugu, aalajangersakkat malinneqarnissaannik allassimavoq. Aalajangersakkat pingaarnertut inissillugit allanneqarput aammalu aalajangersakkat sukumiisunngorlugit allanneqarlutik. Aalajangersakkat tamarmik inatsisinut pituttugaapput, taamaattorli pissutsini immikkut ittuni, aalajangersakkanit sukumiisunit immikkut akuersissummik tunniussisoqarsinnaavoq. Tamatuma saniatigit nunap assingi ilanngussat attuumassuteqartut, aalajangersagartaaniipput.

Tamanut saqqummiunneqarnera

Kommuneqarfik Sermersuup Kommunalbestyrelsiata ataatsimiinnerani ulloq 17.3.2015-imi kommunimut pilersaarummut tapiliussaq akuerineqarpoq inaarutitullu atuuttussanngorlugu tamanut nalunaarutigineqarluni ulloq 22.4.2015.

Kommuneqarfik Sermersooq

Sanarfinermut Avatangiisinullu Ingerlatsivik

**Postboks 1005
3900 Nuuk**

Pilersaarut sumik takuneqarsinnaava

Pilersaarut Nunatta Atuagaateqarfiani atuarsinnaavat, kommunip nittartagaani aaneqarsinnaavoq www.sermersooq.gl, kommunip innuttaasunik sullissivianut imaluunniit Sanarfinermut Avatangiisinullu Ingerlatsivimmut Imaneq 20, 3900 Nuuk saaffiginnillutit pissarsiarisinnaavat, oqarasuaat 36 74 31

IMARISAI

	Ilitersuut	2
	Imarisai	3
1.	Nassuiaat	4
	Pilersaaruteqarfusoq	4
	Siunertat tunngaviillu	4
	Pissutsit pioreersut	5
	Pilersaarummi pingaarnert	8
	Pilersaarummut allamut sanilliullugu inissisimanera	13
	Inatsisitigut sunniutit	16
2.	Aalajangersakkat	17
	Aalajangersakkat Pingaarnert	17
	Aalajangersakkat Sukumiinerusut	19
3.	Akuersinermut Uppernarsaat	22
	Ilanngussaq	23-25



Fig. 1. Kommunimut pilersaarummut tapiliussami killeqarfiit.

1. NASSUIAAT

immikkoortoq pilersaaruteqarfiusoq

Sumiiffik Qinngutta illoqarfiata ilaani naqerliumanermi kangimut Ukkusissanit kimmullu Quassussuarmit 800 meterisut portutigisunit avatangerneqarsimalluni immamit 40 meterit missaanni qatsissusilimmiippoq. Sumiiffik figur 1-imi takutinneqartutut killeqafilersugaavoq.

Siunertat tunngaviillu

Nuummi illoqarfiup ineriartortinneqarnera iluatigalugu nunaminertanik inuussutissarsiateqarfiusunik nutaanik pilersaarummut tapiliussami matumani Qinngutsinni inuussutissarsiateqarfinnik nutaanik pilersitsinissaq siunertaavoq.

Sumiiffimmi suliffeqarfiit qanoq ittut pilersinneqarsinnaanerannut assersuut: Suliffissuaqarneq, sannaviit, entreprenørit, sanasut, inaalitsiviit, allaffiit, namminersorluni inuussutissarsiat aamma tuniniaanerit sullissinerillu. Kangiata tungaani suliffeqarfiit Kapitel 5. naapertorlugu pilersinneqarsinnaapput.

Kommunimut pilersaarummut tapiliussami siunertat tunngaviillu tassaapput:

- Sumiiffiup inuussutissarsiutinut siunertanut atorneqarnissaa qulakkiissallugu.
- Sanaartugassat nunap ilusaanut naleqqussarneqarnissaa qulakkiissallugu.
- Sumiiffik sinerlugu inuussutissarsiateqarfimmut 4B1-imut, Naternaq, attavilinnik aqqusinernik aqqusineeqqanillu qulakkeerinnissalluni.



*Fig. 2. Qinngutsinni
Narsarsuaq kujataanit
isigalugu.*

Pissutsit pioreersut

Sumiiffik 7 ha-t missaannik annertussuseqartoq Qinngutta illoqarfiata ilaani naqerliumanermi kangimut Ukkusissanit kimmullu Quassussuarmut 800 meterisut portutigisunit avatangerneqarsimalluni immamit 40 meterit missaanni qatsissusilimmiippoq. Figur 5 takuuk.



*Fig. 3. Quassussuaq
qunnerlu erngup
annertooujussuup
aaqerfiqisaa*

Nunaminertat sumiiffiup kitaa' tungaaniittut inissianut siunertaqartunut Qinngutta ineriartortinneqarneranut ataatsimoortumik pilersaarutip ilaatut atugassiissutigineqarput.

Illoqarfiup ilaa 2.000-it missaanniittunik inissiarthaqalerumaarpoq, umiatsianut nuannaariartaatinut umiatsialiveqalerumaarpoq

aamma kommunimut pilersaarummut tapiliussaqaarfiup avannaa'tungaaniittumik qiterisaqarfegalerumaarpoq. Qiterisaqarfimmi atuarfiliortoqarsimavoq, niuertarfiliortoqarsimalluni quleriinnillu inissialiortoqarsimalluni. Qiterisaqarfiup aamma kommunimut pilersaarummut tapiliussaqaarfiup akornanniippoq inuussutissarsiteqarfioreersoq naammassillugu sananeqangajalersoq.

Seqinnertarnera anorillu qaqqanit sunnerneqartarput. Seqineq pukkilluni kangianiitillugu Ukkusissat assiusarpoq seqinerlu kipparaangat sumiiffimmut qinngoqqasarpoq.

Sumiiffimmi anorit tasaanerupput kujasik avannarlu. Qaqqat portuneri pissutigalugit sumiiffimmi anori sakkortusisarpoq anorillu sammivia allanngorujussuarterluni.



Fig. 4. Sumiiffiup kiassaateqarfiup tungaanut aamma inissianut avannarpasinnerusu niittunut isikkivia.

Nunap qaavata pissusia immikkoortullu ilaata inissisimaffia pissutigalugit immikkoortup ilaa isugutajuaannarpoq.



Fig. 5. Sumiiffik pillugu nunap assinga.

Pilersaarummi pingaernerit

Atuineq

Kommunimut pilersaarummut tapiliussami sumiiffik Kommunimut pilersaarummi 2024-imi inuussutissarsiuteqarfittut atugassiissutaavoq.

Kommunimut pilersaarummut tapiliussamik matuminnga immikkoortup ilaata killegarfia allanngortinneqassaaq, taamaalilluni immikkoortup ilaa siunissami inissiaqarfimmut 4A6-imut, Pingorsuaq, qanippallaannginniassammat, kisiannili nunaminertamik sanaartorfigineqanngitsumik immikkoortinneqarniassammat. Taamaalilluni sumiiffik inissiaqarfimmiikkunnaarluni. Taamaalilluni kommunimut pilersaarummut tapiliussami sumiiffioreersup immikkoortup ilaata 4B1-ip, Naternaq, ilassutaatut isikkoqalerluni

Sumiiffiit

Immikkoortup ilaa avannaata/kujataata tungaatigut aqquikkut aalajangersarneqarpoq, immikkoortorlu kangiata tungaanik aggulunneqarpoq (immikkuualuttoq 1) aammalu kitaata tungaanik




Fig. 6. Immikkoortup ilaata agguataarnera

aggulunneqarluni (immikkuualuttoq 2). Titartagaq 6-imi takuneqarsinnaavoq, kiisalu ilanngussa 1-imi.

Immikkuualuttup 1-ip iluani kapitali 5-ip, suliffeqarfiit, pilersinneqarnissaanut periarfissaqarpoq, taamaattorli ujaraaraanngitsut, ujaqqat aserortigaanngitsut, asfaltiornissamut piareersaatitut atortuunngitsoq kiisalu aqqusinniornermi atortussiornissamut atortuunngitsut. Immikkuualuttup iluani suliffeqarfiit qaavini inissianik sanaartortoqarsinnaanngilaq.

Immikkuualuttup 2-p iluani suliffeqarfinnik illuliortoqarsinnaavoq, ilaatigullu qaavatigut inissialiortoqarsinnaalluni, taamatullu inissialiornermi sanaartorfigisami ataatsimi inissiaq ataasiussaaq. Taamatulli pisariaqartitsineri ingerlatsinissamut attuumassuteqarnera suliffeqarfimmit uppersararneqarsinnaasariaqarpoq.

Sanaartukkat

Immikkoortup ilaa sanaartorfinnut arlalinnut agguataagaavoq. Sanaartorfissami sanaartorfissamik atugassiisoqarpoq tamakkunanilu sanaartortoqarsinnaavoq.

Sanaartorfissat imminnut ungasissusiat qulakkeerniarlugit tapiliussami sanaartorfissat aalajangersaaffigineqarput, taamaalillutik sanaartukkat figur 7-imiit figur 10-mut takutinneqartutut nunami qeqertaaqqanut assingusunngussapput.

Tapiliussami sanaartukkat naammassineqareersut sakkukitsunik




Fig. 7. Kommunimut pilersaarummut tapiliussami sanaartorfissat aqquserngillu..

qalipaateqarnissaat assigiinnillu qalissiartaqarnissaat aamma qulakkeerneqarpoq.




Fig. 8. Kimmut isigaluni aqqusinikkut A-A-kkut isikkivik..




Fig. 9. Avannamut isigaluni aqqusineeqqakkut kujallikkut B-B-kkut isikkivik.




Fig. 10. Avannamut isigaluni C-C-kkut isikkivik

Aqqusinertigut angallannermi pissutsit

Kommunimut pilersaarummut tapiliussaqaarfiusoq inuussutissarsiateqarfioreersumit 4B1-imit, Naternaq, sumiiffiup avannaa'tungaaniittumit aqqusineqarpoq.

Najukkami aqqusineq avannamut-kujammoortoq 4B1 immikkoortup ilaatigoorpoq.

Sumiiffimmi 4B1-imi aqqusineeraareersoq inuussutissarsiateqarfikkut pisinnaat aqqutaattut ingerlateqqinneqarpoq, taamaalilluni sumiiffiup avannaa'tungaani kujataa'tungaani qooqqut sanaartorfigineqanngitsut imminnut attaveqarniassammata. Aqquserngup isuani kaajallattarfiliortoqassaaq aamma aqqusinermiit siunissami inuussutissarsitutit iniusussanik pilersuutaasussamik aqqusineeraliortoqassaaq.




Fig. 11. Aqqusineq aqqusineerlu..

Nunap isikkua

Sumiiffiup annersaa masarsuuvoq tassungalu tunngatillugu sanaartorfissaqqissunik ujaasinermi nunamik misissuisoqartariaqarpoq.

Inuussutissarsiateqarfiup kangiatigut imertaajaataasussanik kussiortoqassaaq. Kussiugaq sinerlugu nunaminertaq immikkoortinneqassaaq, taamaalillutik qamutit motoorillit issangiarnernani kussianik imaajaasinnaaniassammata.

Nuna sumiiffiup avannamut kitaa'tungaa pukkitsumik qaqqasunnartaqarpoq. Immikkoortup ilaani qaqqasunnaq qartiterneqassaq tamatumalu kingorna innaarsunngussalluni.

Allagartarsualersorneq

Allagartarsualersornerup sumiiffik takussunarsassanngippagu tamakkuluunniit ersarippallaassanngippata allagartarsuit inissinneqarnissaannut piumasaqaateqartoqarpoq, taamaalillutik

allagartarsuit illunut taamaallaat nivinngarneqarsinnaapput.
Allagartarsuit suliffeqarfimmut attuumassuteqassapput.

PILERSAARUTINUT ALLANUT TUNNGASUT

Nuna tamakkerlugu pilersaarusiorneq

Kommunimut pilersaarummut tapiliussaq nuna tamakkerlugu pilersaarusiornermut atuuttumut naapertuuppoq.

Kommunimut pilersaarut

Kommunimut pilersaarummut tapiliussami sumiiffik Kommunimut pilersaarut 2024-imi inuussutissarsiteqarfittut atugassiissutaavoq. Immikkoortup ilaata killeqarfilersorneqarnera allanngortinneqarpoq, taamaalilluni immikkoortup ilaa siunissami inissiaqarfimmut 4A6-imut, Pingorsuaq, qanippallaannginniassammat, kisiannili sumiiffik inissiaqarfimmut attuumanani sumiiffimmit sanaartorfigineqanngitsumik immikkoortinneqarniassammat.



Fig. 12 aamma 13, pioreersut aamma siunissami pissutsit

Inuussutissarsiteqarfik inuussutissarsiteqarfioreersumut 4B1-ip, Naternaq, avannaa' tungaaniittumut toqqaannartumik ilassutaavoq. Taamaalilluni immikkoortut ilaat imminnut

ataqatigiissinniarlugit immikkoortut ilaasa 4D6, 4D7 aamma 4D11-ip killeqarfii allanngortinneqartariaqarsimapput. Tamatuma saniatigut tapiliusseq immikkoortup ilaa pillugu aalajangersakkanut pingaarnernut naapertuuppoq. Figur 12 aamma 13 takukkit.

Qanganitsat

Sumiiffimmi qanganisaqarnersoq Kommuneqarfik Sermersuumi ilisimaneqanngilaq. Sumiiffimmi nunagissaanerit Eqqissisimatitsisarneq aamma allatigut kulturikkut eriagisassanik kulturikkut kingornussatut illersuineq pillugu Inatsisartut inatsisaat nr. 11, 19. maaji 2010-imeersumi aalajangersaaffigineqarpoq.

Avatangiisit pillugit iliuusissatut pilersaarut

Sumiiffimmi assaatilluni tamassuminnga mingutsitsissagaanni tamanna pillugu Kommuneqarfik Sermersuumi Avatangiisinut Piujuartitsinermullu immikkoortortaqaqfimmiut ingerlaannaq ilisimatinneqassapput. Avatangiisinik mianerinnilluni eqqakkaanik suujunnaartitsinerit, assersuutigalugu nunamik uuliamik mingutsinneqarsimasumik, kommunimi eqqagassalerineq pillugu malittarisassat suliasaqaqfillu pillugu inatsisit atuuttut malillugit pissaaq.

Teknikkikkut pilersuutit

Sanaartukkat nutaat pisortat innaallagissamut, imermut, kuuffissuarnut imermillu pilersuutaannut attavilerneqassapput.

Innaallagissamut, imermut, kuuffissuarnut kissamullu aqqutit nunap iluatigoortinneqassapput.

Sumiiffimmi teknikikkut atortulersuutinik soorlu sumiiffimmi najugaqartunut pilersuutinik transformatoriisivinnik inissiisoqarsinnaavoq. Transformatoriisiviit Nukissiorfiit Kommuneqarfik Sermersoorlu siunersiorlugit ilusilersorneqassapput inissinneqarlutillu.

Kiassarneq

Sumiiffimmi kissamik pilersuutit Nukissiorfinni malittarisassat malillugit aalajangersarneqassapput.

Kuuffissuarlersorneq

Illut imikoq pillugu pilersaarut naapertorlugu pisortat kuuffissuaataannut attavilerneqassapput.

Imeq nunap qaaniittoq kuuffissuarnut kuutsinneqassanngilaq kisianili sumiiffimmi sanaartukkanut, aqqusineeqqanut,

aqqusinernut nunaminertanullu sanaartorfigineqanngitsunut
ajoqutaanngitsumik kussiamut kuutsinneqassalluni.

Eqqagassalerineq

Sumiiffik Kommuneqarfik Sermersuumi eqqagassalerineq pillugu
aaqqiinnermut sukkulluunniit atuuttumut ilaatinneqarpoq.

Aputaajaaneq apummillu angallassineq.

Immikkoortumi sumiiffimmi eqikkaaneq soorunami apummik
niffarlukoofittut atorineqartunik inissamik annikillsitsissaaq.
Taamaammat pilersitsisoqassaaq aqquuserngit, biilit unittarfii,
pisuinnaat aqqutaasa kiisalu sukisaarsarfiit kussinngerlu
ataatsimoorussat pineqartuni immikkoortuni
asserfallatsaaliorneqarnissaat eqqarsaatigalugit
peqatigiiffiliortoqassaaq katersiffiusussamik. Piginneqatigiit
peqatigiiffiit namminneq malittarisassanik aalajangersaassapput.
Apummik igitsiartortarneq kangerlummi/sissakkut pisinnaavoq,
anartarfiit imaannik eqqaavikkut imaluunniit
Umiarsualivikoorullugit containereqarfiup eqqaani.

Sanaartorfigissaanernut aningaasartuutit

Sumiiffimmi sanaartorfigissaanernut aningaasartuutit
peqataasunut agguataarneqarnerat immikkut ittumik akiliisarnerit
pillugit ileqqoreqqusami allassimassapput.

Tamanut nalunaaruteqarneq

Kommunimut pilersaarummut tapiliussaq piffissami 23.4.2014 –
19.6.1.2014, sap. ak. arfineq-pingasuni tamanut
tusarniaassutigineqarpoq.

Tusarniaassummut akissutit marluk tiguneqarput, ilaatigut
Ineqarnermut, Attaveqarnermut Angallannermullu
Naalakkersuisoqarfiimmit aammalu Mittarfeqarfinnit.
Tusarniaassummut akissutit ingerlatsivimmiillu oqaaseqaatit
tunngavigalugit, allatatigut taamaallaat tunngassuteqarsimapput
aammalu kommunimut pilersaarummut tapiliussap inaarutaasup
iluarsinissaanut tunngavileeqataasimallutik.

Pilersaarutip Inatsisitigut Sunniutai**Pilersaarutip inatsisigut inaarutaasumik sunniutai**

Kommunalbestyrelsi kommunimut pilersaarutip naammassineqarnissaanut sulissaaq, ilanngullugu nunaminertanik atugassiiinerni, tak. (Pilersaarusiornermut inatsit § 29).

Kommunimut pilersaarummut tapiliussap inaarutaasumik akuerineqarneranik tamanut nalunaaruteqarnerup pereernerani, inatsisinik imaluunniit pissutsinik piviusunik tunngaveqarluni kommunimut pilersaarutip aalajangersakkanut immikkoortuanut imaluunniit nunaminertanik tunniussinermi atugassarititaasunut akerliusunik pilersitsisoqassanngilaq. (Pilersaarusiornermut inatsit § 30).

Immikkulli pisoqartillugu aalajangersakkanit ataasiakkaanit allatut ittumik immikkut ittumik akuersissuteqartoqarsinnaavoq. Aalajangersakkanit malunnaatilimmik allaaneru-sumik atuineq nutaamik kommunimut piler-saarummut tapiliussamik suliaqarnissamik pisariaqartitsissaaq. (Pilersaarusiornermut inatsit § 50).

Nunaminertamik, illuni sanaartukkanillu inatsisit naapertorlugit maannamut atuisarneq ingerlaannarsinnaavoq, akerlianilli assersuutigalugu atuinermik allannguinnissaq nutaamilluunniit sanaartornissaq kommunimi pilersaarummut tapiliussamut akerliussanngilaq.

Kommunimut pilersaarummut tapiliussami nunaminertat, illut sanaartukkallu ilaatinneqartut pilersinneqarnissaat ilaatinneqarnerisigut imaanngilaq taakku ilumut pilersinneqarnissaat.

2. AALAJANGERSAKKAT

Matumuuna Kommunalbestyrelse Pilersarusiortarneq nunaminertanillu atuineq pillugit Inatsisartut inatsisaat nr. 17, 17. novembari 2010-imeersoq naapertorlugu tullinnguuttunik makkuninnga aalajangersaavoq .

Aalajangersakkat aalajangersakkanut pingaarnernut sukumiisunullu avitaapput. Aalajangersakkat tamarmik inatsisitigut pituttuisuupput, aalajangersakkat pingaarnert pilersaarummi tunngaviusumik imarisaapput taamaattumillu taakkunannga immikkut ittumik akuersissuteqarneranik nalunaarutiginnittoqarsinnaanngilaq. Taamaattorli immikkut ittumik pisoqartillugu aalajangersakkanit sukumiisunit immikkut ittumik akuersissuteqartoqarsinnaavoq.

4B5 ISULIFFIK - AALAJANGERSAKKAT PINGAARNERIT

Immikkoortup ilaata killeqarfilersorneqarnera



Immikkoortup ilaa immikkuualuttoq 1-imi 2-milu aggulunneqarput.

Atuineq

Inuussutissarsiutinut siunertat

Atorneqarnissaa
Sumiiffik inuussutissarsiutinut siunertanut soorlu suliffissuaqarnermut, sannavinnut, entreprenørinut inaalitsivinnullu, biiliisivinnut, assartuussinernut, amerlasuukkuutaarlugit niuernernut assigisaannullu kiisalu suliareqqaarinnittarfinnut atugassiissutigineqarpoq. Avatangiisinut tunngatillugu akuersissut pisariaqanngitsaq Namminersorlutik Oqartussanit isumaqarfiginerarpat, najukkami aqqutip kangiaata tungaani suliffeqarfinnik mingutsitsisinnaasunik immikkut ittunik pilersitsisoqarsinnaavoq, taamaattorli ujaraaraanngitsut, ujaqqat aserortigaanngitsut, asfaltiornissamut piareersaatitut atortuunngitsaq kiisalu aqqusinniornermi atortussiornissamut atortuunngitsut. Najukkami aqquserngup kitaa' tungaatigut sanaartorfimmut ataatsimut nakkutilliisumut inissialiortoqarsinnaavoq, tamatumani suliffeqarfinnik ingerlatsineq nakkutilliisoqartinneqartariaqassappat.
Sanaartorfik
Sanaartukkat nunagissakkap naammassereersup qaavaniit qummut 10 meterit angullugit portussusilerlugit sananeqarsinnaapput. Sanaartorfiit 50 % tikillugit sanaartorfigineqarsinnaapput
Inissaq sinneruttoq
Sumiiffik 7 ha-it missaannik annertussuseqarpoq sanaartorfigineqaranilu.
Immikkut aalajangersaaffigisat
-
immikkut ittumik killeqarfeqartitat
Mittarfeqarfinni killeqarfittut piumasaqaataasutut aalajangersakkat, sanaartornermi ataqqineqassapput.
Angallanneq pilersuinerlu
Sumiiffimmut 4B1-imut atasumik aqqusineqassaaq.
Illoqarfinnik nutarterineq
-
Immikkoortukkuutaat
-

4B5, Isuliffik – Siunissami aalajangersakkat sukumiisut	
§1	Sanaartukkat inissinneqarnerat
Imm. 1. Nunap assinganiq ilanngussami 2-mi takutinneqartutut sanaartorfissat 28-t atugassiissutigineqarput. Imm. 2. Nunap assinganiq ilanngussami 2-mi sanaartorfissatut takutinneqartuni taamaallaat sanaartukkat inissinneqarsinnaapput.	
§2	Sanaartukkat silataasa isikkui
Imm. 1. Sanaartukkat portunerpaaffimmikkut nunap naammasseriikkap / immeriikkap qaaniit uuttorlugu 10 meterinit portunerussanngillat. Imm. 2. Sanaartukkat quleriinnit marluinnit portunerutillugit sananeqassanngillat. Imm. 3. Nakkutilliisup inissiaa immikkoortunngorlugu sananagu illumut ilanngullugu sananeqassaaq. Imm. 4. Sanaartorfissani ataasiakkaani nunaminertap sanaartorfigineqartup sanaartorfissap affaanik annertunerpaaffeqassaaq, soorlu nunap assinganiq ilanngussami 3-mi takutinneqartoq. Imm. 5. Sanaartukkat qernertunik qalissialerlugit sananeqassapput. Imm. 6. Sanaartornermi atortut qinngornernik utertitsisinnaasut atorneqassanngillat aammalu silataani qalipaati inngianarsinnaasut atorneqassanngillat. Imm. 7. Sanaartukkami ataasiinnarmi suliffeqarfimmut illumiittumut attuumassuteqartunik taamaallaat allagartarsualiisoqarsinnaavoq. Imm. 8. Seqinisaati illut ilaattut taamaallaat ikkussuunneqarsinnaapput aamma illunut eqqaamiorisanut saneqquttunulluunniit inngianarlutik akornutaassanngillat. Imm. 9. Nunaminertani inuussutissarsiteqarfiusuni sanaartornissamut pisussaaffeqartoqarpoq. Imm. 10. Sanaartorfissanik nunaminertanillu inuussutissarsiteqarfiusunik pineqartunik mingutsitsisoqassanngilaq. Imerpalasunut navianartunut poorineqartut, uuliamut nappartat assigisaallu ernarsinnaanngitsunik toqqavilerlugit seerisinnaajunnaarsillugillu inissinneqassapput.	
§3	Aqquserngit aqqusineeqqallu
Imm. 1. Immikkoortup ilaanut aqqusineq nunap assinganiq ilanngussami 2-mi takutinneqartutut inuussutissarsiteqarfioreersup 4B1-ip ilaneqarneratigut aqqusineqassaaq. Imm. 2. Najukkami aqqut A-B-mi ingerlaarfiusinnaasoq 6.5 meteriussaaq pisinnaallu aqqutaat 3 meteriulluni. Imm. 3. Sanaartukkat aqqusineeqqat qeqqiniit minnerpaamik 15 meterinik ungasissuseqassapput. Imm. 4. Najukkami aqquserngit A-B-it sinerlugit sanaartukkat saqqaat aqqusinermut sammitillugit inissinneqassapput, taamaallilutik illoqarfimmi aqqusinertut ittumik pilersitsisoqarluni, nunap assinganiq ilanngussami 2-mi takutinneqartutut. Imm. 5. Aqquserngit allat katillugit 8 meterinik silissuseqassapput angallattunut pisuinnarnullu aqquteqassallutik. Imm. 6. Sanaartukkat aqqusineeqqat qeqqiniit minnerpaamik 10 meterinik imminnut	

ungasissuseqassapput. Imm. 7. Aqquserngit aqqusineeqqallu nunareersumut sapinngisaq tamaat naleqqussarneqassapput. Imm. 8. Aqquserngit aqqusineeqqallu atassuserneqarneranni aqquserngit pillugit malittarisassat atuuttut naapertorlugit takussutissat qulakkeerneqassapput. Imm. 9. Aaqqusineq kaajallattarfimmik isoqassaaq. Imm. 10. Biilnut inissiisarfii imatut amerlatigisut sananeqassapput: • Allaffiit assigisaallu: 50m2 –imut biilnut inissiisarfik ataaseq Peqqumaasivissuit: 100 m2-imut biilnut inissiisarfik ataaseq l Imm. 11. Biilnut inissiisarfii sanaartorfiit ataasiakkaat iluini sananeqassapput. Imm. 12. Biilnut inissiisarfii sanaartukkanut attuumassuteqartillugit sananeqassapput aamma sanaartorfimmuut sanilerisamut minnerpaamik 5 meterinik ungasissuseqassapput. Imm. 13. Nunap assingani ilanngussami 2-mi takutinneqartutut nunaminertamik immikkoortup ilaata kangia' tungaa sinerlugu kussiorfissamik atugassiisoqassaaq. Kussiaq aputaajaatinit tikinneqarsinnaassaaq. Imm. 14. Immikkoortup ilaani niffaliortoqassaaq aamma Kommuneqarfik Sermersuumit akuersissuteqartoqartinnagu immikkoortup ilaata avataanut niffaliortoqassanngilaq. Imm. 15. Niffat sumiiffimmi ulluinnarni ingerlatsinernut akornutaassanngillat. Tamanna malinneqanngippat niffat nunaminertamik atuisussaataasumut akiligassanngorlugu Kommuneqarfik Sermersuumit allamukaassortinneqarsinnaatitaapput.	§4 Teknikkikkut atortulersuutit
Imm. 1. Sanaartukkat nutaat pisortat innaallagissamut, imermut, ungasianit kiassarnermut kuuffissuarnullu aqquataannut attavilerneqassapput. Imm. 2. Imikoq sunaluunniit kuuffissuakkut kuutsinneqartassaaq. Nunap qaavata ernga imerlu kuuttoq kuuffissuakkoortinneqaratik sanaartukkanut, aqqusinernut, aqqusineeqqanut nunaminertanullu sanaartorfigineqanngitsunut eqqaamiorisanut akornutaanngitsumik kussiakkut kuutsinneqassapput. Imm. 3. Pilersuutit aqquataat soorlu innaallagissamut, imermut, kiassarnermut kuuffissuarnullu aqqutit nunap iluatigoortinneqassapput. Inuup allap aqqutiniq allanngortitsisinnaanera aqqutiniq piginnittumut aningaasartuutaassanngilaq aamma aqqutiniq piginnittoq siunersiorlugu aatsaat aamma taassuma innersuussinera malittarisassaataalu malillugit allanngortinneqarsinnaapput. Imm. 4. Sumiiffimmi teknikkikkut atortulersuutiniq, tassunga ilanngullugit najukkamik pilersuisussanik transformatoriisivinnik inissiisoqarsinnaavoq. Nukissiorfiit siunersiorlugit transformatoorisiviit sanaartukkap ilaatut inissinneqassapput. Imm. 5. Atuisoqalinnginnerani imertaajaanissamut pilersaarummik akuerisamik peqartoqassaaq.	§5 Nunaminertat sanaartorfigineqanngitsut
Imm. 1. Nunaminertat sanaartorfigineqanngitsut saligaatsuutinneqassapput aamma sivilisunerisumik inaalitsivittut atorineqassanngillat. Imm. 2. Pilersaaruteqarfiusumi naasut sapinngisaq tamaat allanngutsaaliorneqassapput.	

Nunaminertat sanaartorfigineqanngitsut naasortaata imaluunniit qaavi sanaartorneq allatulluunniit suliaqarneq pissutigalugit innarlerneqarsimasut ilusaattut ilerseqinneqassapput kingunissanilluunniit nakkalataariffineqassapput. Imm. 3. Nunaminertat sanaartorfigineqanngitsut, qalliutit, aqqusinernut atortulersuutit atortulersuutillu aalajangersimasut allat sanaartorneq allatulluunniit suliaqarneq pissutigalugit innarlerneqarsimasut ilusaattut ilerseqinneqassapput. Imm. 4. Nunaminertami atugassiissutigineqartumi imertaajarnissaq, pisariaqartinneqartunik imermut aqqusiortoqarnerani kuuffissualersortoqarneranilu kussiornermilu nunaminertap atugassiissutigineqartup sanaartorfigineqarnissaata annikillinera akuerineqassaaq. Imm. 5. 2,5 meterinik pukkinerpaaffilerlugit aamma 4 meterinik portunerpaaffilerlugit ungaluukkiortoqassaaq.
§6 Aningasatigut aalajangersaanerit
Imm. 1. Sumiiffimmi ataatsimut soqutigisat isumaginarlugit peqatigiiffiortoqassaaq. Peqatigiiffiup sumi najugaqarnini pillugu Kommuneqarfik Sermersooq ingerlaavartumik ilisimatittassavaa. Imm. 2. Peqatigiiffik aqqusinernik, biilnut inissiisarfinnik, aqqusineeqqanik, illoqannginnersanik nunaminertanillu sanaartorfigineqanngitsunik ingerlatsinernut aserfallatsaaliuinerinullu (ukiukkullu aputaajaasarnernut) akisussaasuvoq. Imm. 3. Sumiiffimmi nunaminertanik atuisussaataasut piginnittut peqatigiiffiannut ilaasortaassapput. Imm. 4. Piginnittut peqatigiiffianni ilaasortat ikinnerpaamik affaasa tamanna kissaatigippassuk, kingusinnerpaamillu immikkoortup ilaani nunaminertat nutaamik inuussutissarsiuuteqarfiussatut naatsorsuutigineqartut atugassiissutigineqareerpata piginnittut peqatigiiffiat pilersinneqassaaq. Imm. 5. Sumiiffimmi sanaartorfigissaanernut aningaasartuutit akilersuineranut ileqqoreqqusami immikkut ittumik takuneqarsinnaasunngorlugit sanaartorfigissaqaataasunut agguataarneqassapput.
Atuilernissamut piumasaqaatit
Sanaartukkat nutaat tullinnguuttut makku naammassineqaaqqaartinagit atorneqalissanngillat: § 3-imi imm. 10, imm. 11 aamma imm. 12 naapertorlugit biiinut inissiisarfiliortoqariinngippat. § 5 naapertorlugu nuna ilusaatut ilerseqinneqareertinnagu. Tamanna ukiup qanoq ilinerata ajornartissappagu Kommuneqarfik Sermersuumi sulisunik isumaqatigiissuteqareernikkut tamakku piaarnerpaamik pilersinneqassapput. Sanaartukkat nutaat pisortat innaallagissamut, imermut, ungasianit kiassarnernut kuuffissuarnullu aqquataaannut § 4-kimi imm. 1 naapertorlugu attavilerneqassapput. § 4-imi imm. 5 naapertorlugu imertaajaanissamut pilersaarummik akuerisamik peqartoqassaaq.

Akuersissuteqarnermi atsiorerit

Kommunimut pilersaarummut tapiliussaq 4B5-1, Isuliffik, Qinnigutsinni inuussutissarsiateqarfik, Nuuk, maannakkut pineqartoq, matumuuna Kommuneqarfik Sermersuup Kommunalbestyrelsianit akuersissutigineqarpoq ulloq 17.3.2015.


Kommuneqarfik Sermersooq ulloq. 20.4.2015



Asii Chemnitz Narup

Borgmesteri


/




Steffen Ulrich-Lyngé

Pisortaaneq

Tamanut nalunaarutigineqarpoq ulloq 22.4.2015.





Ilisarnaatinut Nassuiaatit / Signaturforklaring



Ilisarnaatinut Nassuiaatit /
Delområdet afgrænsning



Sanaaffissartat /
Byggefelter



Sanaartorfissat /
Byggezoner



Illup silataa /
Facadelinje



Najukkami aqquserngit A-B /
Lokalvej A-B



Akqusineeraq /
Stikveje



Kussiaq /
Grøft



Immikkoortup ilai /
Delområder



Qaartiterutissaaviup eqqaani
nunaminertaq isumannaallisaffiusoq /
Sikkerhedszone omkring sprængstofmagasin




Ilanngussaq 2 - Bilag 2
Nunap assingi aalajangersakkanut allaaserisanut
Kortbilag med de detaljerede bestemmelser
A4
Uttuut / Mål 1:2000

0m 50m 100m



KOMMUNEQARFIK SERMERSOOQ
Sanarfinermut avatangisinnullu ingerlatsivik
Anlægs- og Miljøforvaltningen
Kommunimut pilersaarummut tapiliussaq 4B5-1
Kommuneplantillæg 4B5-1
Aprili 2015
April 2015



Ilisarnaatinut Nassuiaatit / Signaturforklaring

- Ilisarnaatinut Nassuiaatit / Delområdets afgrænsning
- Immikkoortup ilai / Delområder
- Sanaffissartat / Byggefelter
- Najukkami aqquserngit A-B / Lokalvej A-B
- Aqqusineeraq / Stikveje



Ilanngussaq 3 - Bilag 3
Nunaminertanun nunap assinga
Kortbilag med arealer
A4
Uttuut / Mål 1:2000

0m 25m 50m



KOMMUNEQARFI SERMERSOOQ
Sanaarfinermut avatangisinnullu ingerlatsivik
Anlægs- og Miljøforvaltningen

Kommunimut pilersaarummut tapiliussaq 4B5-1
Kommuneplantillæg 4B5-1
Aprili 2015
April 2015